

Payí Jemiso eanínarint.

Payí rína ámá Jisasomi díñí wíkwíroarigfáyo mítixí uxfdowárarínjagta nání ami ami numiamoro wí ejí nimóniro aní apí apimi uríñigfáyí nání Jemiso eanínarint. Xewaníjo nání áwaníj pírániñí mítinijí enagi aí “Jisasomi xogwáo, Jemisoyí ríniñorífaní?” wiaiwiaríñwáorint. Jisasoyá sýikí imónigfá Jerusaremí ñweagfáyo wipeñweagfá seayí e imóniñorint (Wáf wurímeiarigfáwa 15:13, 21:18). Jisaso ríxa anínamí nípeyimáná xwiogwfí ríxa obaxí onímiápi nípwémáná ejáná Jono ámá wí “Jisasomi díñí wíkwíroariñwini.” níriro aí omí pírániñí nuxídíríná epaxípi tñí xíxeni mé yarigfápi nání arfá níwirí nání ayí re oyaiwípoyiníri “Jisasomi pírániñí níxídíríná epaxípi, ayí ripírfaní? Ripírfaní?” oyaiwípoyiníri payí rína níriri eaníñigint.

¹ Jemisoní —Nioní Goríxomí tñí Jisasí Kiraisomí tñí xináiníñíjí nimóniri omíñíjí wiiaríñá woníriní. Nioní payí rína gí ámá Jisasomi díñí wíkwíroarigfáyíne nání —Seyíne gwí bí bí wé wúkau síkwí waú apiyíne wí ejí nimóniro ñweagfáyínerint. Ayíne nání payí rína nearí yayí seawárénaparinínt.

“Iwamtó neaíwapíyarigfápi ejí neaeámíxípaxírini.” uríñí nánírini.

²⁻³ Gí nírixímeáyíne, seyíne ríxa níjíá rípí imóniñoi. Jisasomi díñí níwíkwíroróná

enjé neániro rítá xídaríñoiñirí iwamfó seiwapiyítápimi xwámámí niwiéra nurónayí, xeaniñjé rítá tñijé rítwíyo seaímeanfápimi eni xwámámí wipaxí imóniprítárini. Seyténe njifá e imóniñagfá nání xeaniñjé xixegfni seaímeáaná kfkfmi mimóní “Dñijé njifá neaininíápí nání rítá neaímeaarini?” yaiwífríxini.

⁴ Ámá xeaniñf wikárariğtápimi xwámámí níwiéra núfasáná imónipaxf imóniñfpí seyñné ení axípí imóniprítá nání xwámámí níwiéra útrixintí. E neróná Goríxo gí ámá e imónítrixintíri wimóniñfpí bí mímúró nípintí pírániñf níyipárómíniñróná wé roárinigfáyñne xixení e imóniprítáriñtí.

*“Dínjf emí saímí m̄imojini.” niseaimónirfná
Gorixomí rixinjf urfírifxini.” urinjf nánirinj.*

5 Sint dñjé nípikwini émí saímí mimoariñf go go "Xeaniñf nímeaaríñfpi, ayí apí nání ría nímeaaríñi?" miyaiwipa nerfnáyí, xewaníñjo Gorixoyá dñjé tñni dñjé émí saímí e mopaxí oimónimínri omí rixiñf urfwíñigini. Gorixo áma níyoní yaní níwirfná símí tñni miwí yaní ewanií nimónirí xwéní míni wiariñjo enagí nání ananí rixiñf urfwíñigini.

⁶ E searariñag̫ aí r̫ixiñf nurirfná dñf b̫ biaú n̫mor̫ “Gorixo aga nepa n̫niapiñirfénñof? M̫niapiña enirfénñof?” miyaiwí aga xixenf dñf n̫w̫kwfrómáná “Nepa xixenf niapiñaxorin.” n̫yaiwir̫ r̫ixiñf urfwñigñi. Ámá dñf b̫ biaú moariñf go go rawirrawáyo

imeamíkwí neríná imíñjí níxemí urí níxemí bíri
yaríñjpíñjí imóníñagí nání

⁷ ámá óníñjí imónígíráyí bí re mítayiwipa
éfríxíntí, “Goríxomí ríxíñjí uráná o ananí
niniapíñjíojí.” mítayiwipa éfríxíntí.

⁸ Ámá ayí díñjí nímoróná ná bíni mamó
díñjí naíroayiri nero moro amípí ení neróná “E
oemíntí.” yaiwítpíntí mé xegí bí xegí bí ero
yarígíráyí enagí nání e mítayiwipa éfríxíntí.

*Ámá díwí ikeamónígíráyí tíni amípí
mímúrónígíráyí tíni apiaú náníríntí.*

⁹ Segí sérixímeá díwí ikeamónígíráyí re
níyaiwiro míñjí sínjá meakíñífríxíntí, “Nioní
Jisaso neaiíñjpími dání Goríxo seáyí e
nímíxíñoníríantí?” níyaiwiro míñjí sínjá
meakíñífríxíntí.

¹⁰ E nerí aí sérixímeá amípí wí mímúrónígíráyí
re níyaiwiro míñjí sínjá meakíñífríxíntí, “Nioní
Goríxoyá sínwíyo dání sa ikwiáríñíñáoníríantí?”
níyaiwiro míñjí sínjá meakíñífríxíntí. Ará siyí píyí
nerí piéroaríñjípa ayí ení aníñjí míjweá axípí
apaxí mé pepírtá enagí nání raríñjíntí.

¹¹ Seyíne níjíráintí. Sogwí xaiwí níwepíñíri
naníríná ará yeáyí yíkiáráná xegí siyípí píyí
nerí nípiérínowirína xámí awiaxí imóníñjípí síní
mimóní xwírtá inaríñjíntí. Ámá amípí wí
mímúrónígíráyí ení “E neríná ámi bí tíni bí
tíni nímeapaxíríntí.” yaiwíarígíápí síní níxída
nuróná síní mé nero axípí e pepírtárántí.

*Iwí oépoyíñíri wímeaaríñjípí nání uríñjí
náníríntí.*

12 Ámá Gorixomi xídarinjagta nání xeaninjí wímeaarinjí nípimini xwámámí níwiéra núfasáná ejáná Gorixo yayí níwimori dínjí niyimijí imóninjípi —Apí nání nírirfná “Ámá nioní dínjí sítí níyarigta gíyí gíyo mìní wimíáritní.” ríniñjípirinti. Yayí níwimorfná dínjí niyimijí apí sítí umímonfá ejagi nání ámá xeaninjí wíráyo xwámámí yarigfáyí Gorixoyá dínjí tñi yayí wipaxfyfrinti.

13 Ámá xeaninjí wímeaarfná re míripa éfríxinti, “Gorixo nioní fwí oeniri xeaninjí apí níwapiyífrinti.” míripa éfríxinti. Ayí rípi nánirinti. Gorixo ámá wí xtomí fwí oeniri wíwapiyipaxí mimóninjorinti. Xfo ení ámáyo fwí oépoyiniri wíwapiyariñomani.

14 Oweoí, nene newaniñene wine wine wine pípi nání níneaimónirfná feapá níneainirinjípimi dání fwí oépoyiniri nearpeaariñfrinti.

15 Apixí niaíwí agwí nerí xírarigfápa feapá neainarinjípi niaíwí agwíñinjí nerí fwí ayí niaíwíñinjí xírarinjwárinti. fwí ayí niaíwíñinjí níxírimáná niaíwí xwé iwiaroarinjípa fwí yárfwápimí dání níperane anínarinjwárinti.

16 Gí nírixímeáyíne, dínjí sítí seayinjáyíne, nioní re searíápi, “Seyíne fwí oépoyiniri seaíwapiyariñjípi pípimi dání marfáti, apimi dání seaíwapiyariñfrinti.” searíápi píni níwiáriro yapí méwápíñipaní.

17 Pí pí nañí imóninjípiranti, pí pí awiaxf imóninjípiranti, gími dání marfáti, anínamí dáninti neáimeaarinjífrinti. Ápo Gorixo —O pí pí anínamí wíá ónarinjípi nání mfkí ikiñorinti.

Sogwí onapámigí ninírfná sepiá imóníri rípíwfí imóníri yaríñípa nimóníri ámi xegí bí imóníri xegí bí imóníri yaríñomaní. Oní amípí awiaxí imóníñípí anípá neaiaparíñírini.

18 Amípí o imíxíñípí nípimíni dání ná bíní ayí nene aiwá níwákwíní miníñíñíf oimónípoyiníri xewaníjo “E éñmigíni.” wimóníñípimi níxídfíniñí oyá xwiytá nepa imóníñípimi dání nene neaemeanjírini.

“Xwiytápi xíxeni aríá níwiro neróná rípi ripi yarigírárini.” uríñí nánírini.

19 Gí nírixímeáyíné, díñí sítí seayinjáyíné, apí nípíni nioní searíápí seyíné ríxa níjíá imóníñagíta aiwí rípi osearímíni. Aríá owianeyíntro sítíwí naníro aí apaxí mé níwiápíntímearo xwiytá míripaní. Wikí ení añíni mónipaní.

20 Ámá wikí nóníro neróná wé róníñí Goríxo wimónariñípí tñíti xíxeni míyárarígtá eñagi nání raríñíni.

21 Ayínání segí fwí sítí yayarígtápi —Bí nání “Onímiáriñí.” yaiwiaríñagíta aiwí nípíni piaxíñíñí seaeánariñípírini. Apí nípíni emí mímeámí nero seáyi e mimónípa neróná xwiytá ámá aiwá fwíá urarígtápa segí xwioxtíyo Goríxo fwíáníñí seauráriñípimi —Xwiytá apí seaeríkiemeapaxí imóníñípírini. Apimi nímímíniñíro “Pírániñí oxídimíni.” yaiwífríxíni.

22 Yapí néwapíniñíro “Xwiytá apí aríání níwiranéná apání yaríñwíni.” míyaiwí “Apí pí ríñíñípí tñíti xíxeni oxídaneyí.” níyaiwiro xíxeni e éñríxíni.

23 Ayí rípi nání searariñini. Ámá xwiyápi artá níwiro aí xixeni méfáyí, ayí ámá xixéáyo gí símimanjí aríge ríá imóniniri siñwí onímiápi ainéníó yapi imóninjoí.

24 Xegí símimanjíyo xixéá tñi siñwí nainenimí numáná apaxí mé “Gí símimanjí e ríá imóniní?” yaiwíípi nání artá ikeamoariñorini.

25 E nerí aí ámá ñwí ikaxí awiaxí imóninípimi —Apí íwí yariñwápimi dání gwíñijí neayáriñijípí neaíkweawári Paxí imóninípírini. Ámá apimi aníñí siñwí agwí níwíníro xídarigfáyí óníñí wí mimóninjoí. Artá níwiróná díñí artá mikeamó pí pí ríñijípí tñi xixeni níxídiró yaríná Gorixoyá díñí tñi yayí winipaxí imóninípí wímeanfáriñi.

26 Ámá wo xegí manjíyo dání nísaniri míripa nerí aí “Nioni Gorixomí pírániñí níxídirí yariñáonirini.” níyaiwinirínayí, xewaníjo yapí éwapínarini. Xewaníjo “Gorixomí pírániñí níxídirí yariñíni.” níyaiwiniri yariñípí ení ráñiñí imóniní.

27 Ámá negí ápo Gorixo “Ayí siyikwí míñí egfáyí nioní pírániñí níxídarinjoí.” wiaiwiariníyí rípi yariñífáriñi. Uyípeayí ikeamónaríñagfa níwíniróná arírá wiyo apíxí aníwa ikeamónaríñagfa níwíniróná arírá wiyo ayá udunipaxí ámá Gorixomí mítixídarigfáyí yariñípí nene ení xe oneaxímeaniri miyaiwipa ero yariñífáriñi.

*“Wíyo wé íkwiajwýo uñwíráriro wíyo paimimí
wiro mepani.” uríñf nánirini.*

¹ Gí nírixímeáyíné, seyíné negí Ámíná Jisasí Kiraísomí —O Goríxo nikníri ñweajípí tñi xixení nimóníri ñweajorini. Omí díñf níwíkwíroróná seáyi e imónigfáyo wé íkwiajwýo uñwíráriro sípí imónigfáyo paimimí wiro mepa éfríxini.

² Ayí rípí seararíñini. Seyíné Goríxomí yayí wianiro nání awí eánigfe ámá waú —Wío amípí wí mímúróníñorini. Rapírapí awiaxí níyíníri wé ramaxí sñjá gorí tñi imixiníñiwá íkíkí ninimáná fwiapforini. Wío amípí mayí sa ikwiáriniñí imóníñorini. Rapírapí kíyí óf miní yáriñú níyínimáná fwiapforini.

³ Awaú fwiapáná seyíné rapírapí awiaxí yíníñomi ayá tñi yayí níwiro “Símí re íkwiajwí naní imóníñí rínamí ñweaí.” uríro amípí mayí sa ikwiáriniñí imóníñomi “Xwfá yáni jíerani, negí síkwí tñíf rerani, ñweaí.” uríro nerónayí,

⁴ “Apimi dání meyírónipa yaríñwini.” riseaimónariní? Oweoí, sewaníñfyíné ríxa neyíróniro “Wiene seáyi e imóníri wiene sípí imóníri ejwínti.” níyaiwiróná ámá opisí aňfyo dání xwírixí yarína eyíroarígfáwa díñf ínímí níkwíronimáná eyíroarígfápa seyíné ení axípi díñf ínímí níkwíronimáná eyírónariñowa.

⁵ Gí nírixímeáyíné, díñf sítixí seayinjáyíné, aríá nípoyí. Goríxo ámá xíoyá imónífríxini fá níyamixíríná ámá xwfá tíyo dání níyíyá sñjwíyo dání ámá amípí mayí sa ikwiáriniñí imónigfáyí díñf níwíkwíroríñípimi dání amípí Jisaso neaiñípí wí mímúrónigfáyí imónipríra nání fá

muyamixipa enífraní? Ayí xegí xwioxíyo —E ámá xíomí dínjí sítí uyariigfáyo “Níñweapírfáriní.” uríñeriní. E ñweáfríxíníri íá muyamixipa enífraní?

6 Seyíné e neróná ámá sa ikwiárinigfáyo ayá wimoarigfáriní. Ámá xeaníñí niseaikáriro xwírixí oumeaneyiníro ení nápemí nuro opisí anjí tñjí e seawárarigfáyí gíyfriní? Ayí ámá amípí xwírá re weñípí wí mímúrónigfáyí meníraní?

7 Ayí ení yoí nañí seyíné Kiraisomí xídaríñagfá nání seañwíráriníñípimí ikayíwí mumearípa yarigfárani?

8 Seyíné ñwí ikaxí negí mitxí ináyí Jisaso nearíñí Bíkwíyo re níríníri eáníñí rípi, “Jíwaníñoxí nání dínjí sítí inaríñípa ámá sítíñwí wíñíí gíyí gíyo ení axípí wíríxíni.” níríníri eáníñí apí xíxeni níxídirónayí, nañí yaríñoi.

9 E nisearíri aí seyíné ámá seáyí e imónigfáyo píráñíñí umero sítí imónigfáyo paimímí wiwo nerónayí, fwí nero ñwí ikaxí ríñíñípí wiaíkiarigfáyíne enagfá nání apimí dání xwíyíá meárinípaxfriní.

10 Ayí rípi náníríní. Ámá ñwí ikaxí ríñíñí nípimíni píráñíñí oxídimíñíri nemáná ná bimíñí níwiaíkiríñayí, xwíyíá ámá ñwí ikaxí nípimíni wiaíkíñayí meárinípaxfriní.

11 Ayí rípi nání seararíñini. Bíkwíyo ñwí ikaxí re níríníri eáníñí rípi, “Meánigfáyíne fwí minípaní.” ríñó, ayí ñwí ikaxí “Níwiápñímeareí ámá mítíkipaní.” ení ríñíñigfíni. Seyíné meánigfáyí tñíti fwí minípa nero aí níwiápñímearo ámá nípíkiríñayí, ñwí

ikaxí ríníñípí wiaíkífáyíne imóníñagfa nání raríñíni.

¹² Ayínání pí pí seyíne nerónárani, nírórónárani, re níyaiwiro díñí tñí éfríxini, “Nwf ikaxí ríníñípí —Apí fwí yariñwápimi dání gwíñíñí neayáriñíñípí neaíkwewáripaxí imóníñípírini. Nwf ikaxí ríníñí apimi dání Goríxo eyeyírómf neainíráriñí.” níyaiwiro díñí tñí éfríxini.

¹³ O ámáyo eyeyírómf níwirína ámá wigí wíyo ayá murimíxí wiariñgíáyo xfo ení ayo ayá murimíxí xíxeni xwíyíá umeáríñíá enagi nání raríñíni. E nerí aí wigí wíniyo ayá nurimíxíri wiariñgíáyo xfo ení ayo ayá urimíxáná apimi dání xíxeni roayíronípíríñíni.

Ámáyo arírá mítwipa neróná “Goríxomí díñí wíkwíronjíni.” rínaríngíáyí nání uríñí nánírini.

¹⁴ Gí níríxímeáyíne, ámá go go wíyo arírá bí mítwi “Goríxomí díñí wíkwíronjíni.” nírínírínayí, o “Díñí wíkwíronjíni.” rínaríñípí surímá imóníni. “O ámá nání díñí sípí mítwiní ‘Goríxomí díñí wíkwíronjíni.’ raríñípími dáníni eríkiemeánípaxírini.” ríseaimónaríni? Oweoí.

¹⁵ Segí séríxímeá wo ámi wo iyíá náníraní, aiwá sítá ayimi níñípí náníraní, díwí ikeamónaríñagi níwínrítná

¹⁶ amípí xfo díwí ikeamónaríñípí bí mítwi re nurírnayí, “Joxí ‘Níwayíroníri oñweaní.’ nimónaríni. Joxí nurí ríá rísníñí nání iyíá páníri agwí ímí ríyini nání aiwá níri ei.” nurírnayí, “Amípí xfo díwí ikeamónaríñípí nání xwíyíá e

uríápi ananí arírá wipaxfríni.” ríseaimónaríni? Oweoí, ráñinjí imóninjípíni uraríni.

17 “Gorixomí dínjí wíkwíronjíni.” raríñjípí ení axípí imóninjí. Ámáyo arírá mítwí sa apíni níriñrínayí, dínjí wíkwíroaríñjí apí ríxa íkwíkwíyini.

18 E nerí aí ámá wo re níriñfáríni, “Ámá wí Gorixomí dínjí níwíkwírorína ámáyo arírá wiariñagíá aiwí nioní ámáyo arírá mítwí Gorixomí dínjíni níwíkwírorína ‘Ayí ananíríni.’ nimónaríni.” Ámá wo e níriñfá eñagí aí nioní omí re urimfáríni, “Joxí ámáyo arírá mítwí ‘Gorixomí dínjí wíkwíronjíni.’ raríñjípí nioní ‘O nepa dínjí wíkwíronjí.’ siaiwimi nání aríge níwapiyáná ‘Neparíni.’ yaiwimíni?” nuríri ámi re urimfáríni, “Joxí ‘O ‘Gorixomí dínjí wíkwíronjíni.’ raríñjípí neparíni.’ niaiwiri nání ámáyo arírá wiariñpími dání síwapiyáná ‘O nepa dínjí wíkwíronjí.’ niaiwiríni.” nuríri

19 re urimfáríni, “Joxí dínjí re níyaiwiri íkwíronjíni, ‘Nwfá imóníño, ayí ná woní Gorixoríni.’ Joxí dínjí e níyaiwiri níkwírorína nañjí yariñagí aiwí rípí nání ení dínjí rímonjíni? Imíoyí ení dínjí axípí níyaiwiro níkwíroro aí Gorixo ríá ikeáárinjá eñagí nání ení óf ikáriñarigfáríni.” nuríri

20 re urimfáríni, “Majímajfá ikáriñaríñjí roxiñíni, ámáyo arírá mítwí ‘Gorixomí dínjí wíkwíronjíni.’ raríñjípí ‘Surímá ríá imóníni?’ mítwipaxoxíraní?

21 Eníná negí aríó Ebírfamo sekaxí Gorixo urítpí tñíti xixení xegí xewaxo Aisako sítjá íráf

noga peyiniŋe dání rídīyowá emiňirí yarfná Gorixo o e éfpimí dání ‘Wé róniňoriní.’ mîráripa reňiniginí?

22 Ayináni nene díŋf re yaiwipaxfriní, ‘Ebírfamo Gorixomí díŋf níwíkwírorfná díŋfní wíkwíronjímani. Gorixo urinjípi xixení nerfná wíkwíronjf enagí nání díŋf o wíkwíronjípi xewanijo arfá níwirí enfpimí dání yóf imóniňfriní.’ yaiwipaxfriní.

23 Rípi ení yaiwipaxfriní, ‘Negí arfo e nerfná xfo nání Bíkwíyo re nírínirí eáníŋf rípi, “Ebírfamo Gorixomí díŋf wíkwíróagí nání ‘Wé róniňf imóniňoriní.’ yaiwinjíniginí.” nírínirí eáníŋjípi xixení imóniňniginí. Ayináni Ebírfamo Gorixo tñi níkumixiníri emeariňf woyí ragírárfaní?’ yaiwiáripaxfriní.’ urimfáriní.

24 Agwí seyfne njífá re imóniňoí, “Ámá ‘Nioní Gorixomí díŋf wíkwíronjíni.’ raríŋfpimí dániní Gorixo ‘Wé róniňoriní.’ ráraríŋfímani. Xíomi díŋf níwíkwírorfná xfo wimónariňjípi yaríŋfpimi dání ‘Wé róniňoriní.’ ráraríŋfriní.” Apí nání seyfne ríxa njífá imóniňoí.

25 Eníná iyí ede dání wagfá Rexapíyí ríniňí —Í Josuao ámá waú aŋí apimi sínwí owinárípiyiníri urowárénapáná nipemeámi nurí óf wíyo urowáriňíri. Í ení axípi Gorixomí díŋf níwíkwírorfná e éfpimí dání Gorixoyá sínwíyo dání apixí wé róniňí mimónipa reňiniginí?

26 Ayináni re rípaxfriní, “Ámá díŋfpí síní sítxf míniňjáná waráo píyí enípa ámá Gorixo e éfríxiníri wimóniňjípi mé díŋfpiní wíkwíroarígíapí axípíniňí nimónirí íkwíkwí

yini." r̄ipaxfr̄in̄i.

3

"Pí pí xwiyá rarijwápi najní ríwanigini." urijf nánirin̄i.

¹ Gí nírixímeáyíné, Gorixo ámá wigí wíniyo uréwapiyarigfáyo yarijí imimí níwirfná awayin̄i m̄wí enfá eñaḡi nání segfyí wí obaxí amáyo ouréwapiyaneyin̄ro mimónipa éfr̄ixin̄i.

² Nínenen̄i pírániñí oyaneyin̄ri éwáyí noreámioarane s̄ipini ikárinarijwá aí amá manjfpá t̄ni nírirfná móreámioapa nerfnayí, Gorixoyá s̄ijwíyo dán̄i r̄ixa wé rónin̄í imónin̄orin̄i. Pí pí fwí feapá winimínri yarijípi nání eni anan̄i fá yamixinarijorin̄i.

³ Nene osí imaniounir̄i nerfná yarijwápi nání diñí omoaneyí. Ainixí onimiá bi xeḡ manjfyo s̄iwí fkwirárarijwápimi dán̄i ḡmíni ge ounir̄i k̄inimixáná manjní marfáti, osí noni eni amin̄i warin̄ir̄in̄i.

⁴ Ai s̄ipixí eni xwé imónir̄i imiñí ení eániñí nerfná níxemí urí yarijaḡi aiwí omiñí mearin̄o "Ámin̄i oumin̄i." níwimónir̄i pará onimiápí t̄ni aí amin̄i méaná amin̄i warin̄ir̄in̄i.

⁵ Neḡ manjfyí eni axípi imónin̄i. Wará nírimin̄i nání onimiápáti enaḡi aí apimi dán̄i amá "Seáyi e imónin̄í apí epaxonir̄in̄i." nír̄iro m̄ixí meakínin̄arigfáriñí.

Ai r̄íá bi onimiápí m̄iroártagi aiwí íkfá xwé bi nípiniñí r̄íá nowáripaxfr̄in̄i.

⁶ Neḡ manjfyí r̄íaniñí wearin̄fyfr̄in̄i. S̄ipí bi onimiá marfáti, ayá wí epaxfyfr̄in̄i. Neḡ

warárími wí e enagí aiwí wará níriminí xwírítá neaimixaríñýfriní. Rítá negí manýyo dání wearíñípi —Apí pípimi dání marítá, sa rítá xwé Seteno weníárími dání mıróníñýpiriní. Apí amípi nene oníná dání néra yariñwápí rímímeníñwíñí neaeánariñfriní.

7 Ayí rípi seararíñini. Xámí nañwí xixegfíni ayí ayí, síraní, inífraní, agwfáraní, iniigfíyo yariñýfraní, ámá iwí oimónirí yapemixáná ayí iwí imónagífriní. Agwí ení nene iwí oimónirí yapemixáná anani iwí imónariñí enagí aí

8 ámá go nañwí sayí yapemixarígíápa xegí maný ení oyapemixinimínrí nerfná xixení e epaxí imóniní? “Gí maný aníñí samíñí níwíriri níra útimigini.” níyaiwirí aiwí wí e epaxí mimóniní. Manýyí sípí nání nerfná kikiáfá bí yariñímani. Sidíñí ámá píyí omítmí yariñípi magwfí íníni.

9 Manýpá tñíti negí Áminá imóníñí ápo xwéomí yayí wirane ámá xítoníñí nimónirí ñweáfríxíñíri neaimixíñene wíñíyo ikayíwfí urírane yariñwáriní.

10 Ayínání maný axípámí dání yayí wirane ikayíwfí urírane yariñwáriní. Gí níríxímeáyíne, “Nene e neranéná ayí apániriní.” ríseaimónaríni?

11 “Iniigí símíñí sirírikí axíyimí dání nañí wú mearí píyaní eaaríñí wú mearí epaxírini.” ríseaimónaríni?

12 Gí níríxímeáyíne, “Íkáfá pikí wínamí dání sogwfí oripí wepaxírini.” ríseaimónaríni? “Wainí uraxí wírimí dání íkáfá pikí sogwfí

wepaxírini." r̄seaimónarini? "Iniigf̄ s̄imijf̄ iwamá t̄ijf̄ meaarif̄ wúmi dánf̄ ámi iniigf̄ nañf̄ wepaxírini." r̄seaimónarini?

Ámá dīnjf̄ émf̄ saímf̄ Gorixo t̄ijf̄m̄i dānjf̄pi moarif̄yáyf̄ yarif̄áp̄i nánf̄ urif̄ nánirini.

¹³ "Nionf̄ dīnjf̄ émf̄ saímf̄ morf̄ njif̄á imónirif̄ enjáonirini." yaiwinarif̄á ḡiyf̄ ḡiyf̄ nene "Ayf̄ wigf̄ yaiwinarif̄áp̄i t̄ni x̄ixenf̄ iyf̄ rimónif̄oif̄?" wiaiwianf̄wá nánf̄ woxif̄n̄ woxif̄n̄ nemerf̄ná awayinf̄ nimónimáná nañf̄ ero dīnjf̄ émf̄ saímf̄ nimómáná nañf̄ ero yarif̄áp̄im̄i dánf̄ ap̄i nene neaíwapif̄yífr̄ixif̄n̄.

¹⁴ E nerf̄ aí segf̄ xwioxfyo dánf̄ wíyo s̄ipí dīnjf̄ ayá wí r̄fá t̄ijf̄ wiaiwiro nionif̄n̄ seáyf̄ e oimónimínirif̄ imif̄m̄ wiro nerónayf̄, dīnjf̄ xeñwf̄ e n̄imoróná seyf̄né nepa imónif̄áp̄i r̄itf̄ niniro m̄ixf̄ m̄imeakfn̄pa éfr̄ixif̄n̄.

¹⁵ Ámá wigf̄ wíniyo s̄ipí e n̄iwikáriróná "Dīnjf̄ émf̄ saímf̄ n̄imorane yarif̄wif̄n̄." yaiwinarif̄áp̄i, ayf̄ añañam̄i ñweañoyá dīnjf̄yo dánf̄ n̄iyaiwiro yarif̄ámanti. Dīnjf̄ ámá Gorixom̄i m̄ixfdarif̄áyo dánf̄ imónirif̄ ámá Gorixo nánf̄ dīnjf̄ wí m̄imó wiwanif̄yf̄ nánif̄n̄ móñarif̄yáyo dánf̄ imónirif̄ enj̄p̄irini. Obif̄yáyo dánf̄ enf̄ imónirif̄ enj̄p̄irini.

¹⁶ Ayf̄ r̄ip̄i nánf̄ searariñini. Ámá wigf̄ wíniyo s̄ipí dīnjf̄ wiaiwiro nionif̄n̄ seáyf̄ e oimónimínirif̄ imif̄m̄ wim̄ixiro yarif̄yáyf̄ enjánayf̄, ámá píráñif̄ m̄ijñweá uyf̄niñf̄ nero s̄ipí x̄ixegf̄niñf̄ néra warif̄á enjagf̄ nánf̄ searariñini.

¹⁷ E nerf̄ aí ámá dīnjf̄ émf̄ saímf̄ añañam̄i dānjf̄pi n̄imoro yarif̄áp̄i aga xegf̄ b̄i imónif̄agf̄ nánf̄ ayf̄

rípi yarigfáriñi. Xámí siyikwf míñ ero wigf wíniyf tñi xepixepá mifróñí mepi tñiro awayiní yapaniñí imóniro wigf wíniyf xwiyfá uráná pírániñí arfá nifwiro dñf yaikiroro wíníyo wá bi onimíapí miwianí xwapí ayá wí niwianiróná íkfá nañfna sogwf obaxf wearifýf yapi nimóniro wíníyo wiyo wíníyo símí símí e mumé nero nañf ero sifí ero mepa ero yarigfáriñi.

18 Ámá wigf wíniyf tñi xepixepá mifróñí mepi tñarigfáyf e yarigfápimi dání ámá aiwá omiñí iwfá néra warigfápa nerónayf, wé róniñí yarigfápi aiwá xwé píripírf inariñípfníñí imóniñíñoi.

4

“Seyfne sifípi nerfna Gorixomi símí tñi wiarigfáyfne imóniñoi.” urifnánirini.

1 Segí mixf rñiro mixf iniro yarigfápi mfkí píyo dání inarigfáriñi? “Apí meapaxonirini.” nifaiwiro feapá seainariñípi—Apí segí xwioxfyo dání seyfne tñi mixfniñí inarigfápirini. Feapá seainariñí mfkí apimi dání seyfne segí wíniyf tñi mixf rñiro mixf iniro yarigfá menirani?

2 Seyfne amipí wí nání “Omeamíñi.” niseaimóniri aí meapaxf mimónipa nero nání “Ámá opikímíñi.” yaiwiarigfáriñi. Amipí bi siñwf fwf nifwirfna mifmeapaxf nimóniro nání mixf nifmépero mixf rñarigfáriñi. Seyfne “Pí nání nene neaimónariñípi mifmeapa yarifwárfaní?” mifwaiwipaní. Gorixomi rixifn murípa nero nání mifmeaarigfáriñi.

3 E nerí aí segí seaimónaríñípi nání Gorixomi
rixíñí nurírná díñí nañí nixírmáná mé segí
feapá seainaríñípi oyaneyíníri rixíñí urarigítá
enagí nání Gorixo wí aríá xixení niseairí
míseaiapariníni.

4 Gorixomi pírániñí díñí miwíkwíropa
neróná xídiro píni wiáríro nero nání fwíñíñí
inarigítáyíne, seyíne niñíá rípi síní mimónípa
rejoí, “Ámá Gorixomi miixídarigítáyí tñí nawíni
níkumixíñíro emearigítáyí, ayí Gorixoyá símí
tñí inarigítáyí wí imóníñoi. Ayináni gíyí gíyí
‘Ámá Gorixomi miixídarigítáyí tñí níkumixíñími
oememíni.’ níwimónírná wiwaníñíyí Gorixo
tñí símí tñí inarigítáyí imixíñaríñoi.” Seyíne
niñíá apí síní mimónípa rejoí?

5 Seyíne díñí re riyaiwiariñoi, “Bíkwíyo re
níríníri eáníñí rípi, ‘Gorixo xegí kwíyí negí
xwioxíyo siixí neayíñípimi pírániñí susníñí
memeariñíñí.’ Bíkwíyo e níríníri eáníñípi
surímá ríñíñí.” riyaiwiariñoi? Oweoí, Gorixo
xegí kwíyípi ámá xíó tñí símí tñí inarigítáyo wí
wipaxí meñagí nání rariñíñí.

6 E niseairíri aí Gorixo ayá níneawianírná
xwapí ayá wí neawianariñagí nání Bíkwíyo re
níríníri eáníñí, “Wárixá imónarigítáyo Gorixo
pífrí rakirí ámá ‘Siyikwíñíñí imóníñwíñí.’ yai-
winarigítáyo wá wianíri yariñoríñí.” eáníñagí
nání

7 Gorixomi símanjwíyóníñí yeáyí wuríñíro
obo xórórí neainigíníri xaiwí éf nírororo o tñí
miixíñíñí iníro éfríxíñí. O tñí miixíñíñí inarírná
éf niseaními uníráriñí.

8 Seyfné Gorixo tñámñi úfrixñi. E nerfnayf, xfo eni seyfné tñámñi binfarin. Ámá fwí yarigfayfné, seyfné “Arige nerí Gorixo tñámñi uminiréini?” niseaimónirfná sikf wéyo xénijáná okwírínimñirí igfá eánarigfápa axfípi nero segí fwí yarigfápi eni okwírínimñirí igfá eánfpoyi. Ámá dñjf bì biaú xirigfayfné, seyfné “Arige nerí Gorixo tñámñi uminiréini?” niseaimónirfná saxf sikf mayf oíñirí yariñwápa segí xwioxfyo eni dñjf sfpípi tñni nixiríri yarigfápi apí eni sñi neaínñigñirí saxf sikf mayf ínarifpánijf imixinfpoyi.

9 Segí fwí yarigfápi nání dñjf sfpí niseairi xwirfá nimóniro ñweápoyi. Rípfá seyfné rarigfápi pñti níwiárimáná segí fwí yarigfápi nání ámixfá époyi. Dñjf niñá seainarifpí pñti níwiáriro kípifñi yinfpoyi.

10 Gorixoyá sñjwfyo dñni sÿikwfpiayfnénijf imixinfpoyi. Seyfné e éánayf, o seamfeyoanfárin.

“Sérifmeáyo xwifýá mumearipani.” urifnánirin.

11 Gf nírifmeáyfné, seyfné xwifýápai mñjwiráriñipa éfrixñi. Ayf rípi nánirin. Ámá giyf giyf xexirfmeáyo xwifýápai níjwiráriñónáranti, xwifýá numearirónáranti, ayf ayoni murariñoi. Nwf ikaxf Jisaso ríñfpimi eni xwifýápai ñwiráriro xwifýá “Ayf nípíkwini mifñin.” umearirónifñi yariñoi. Nwf ikaxf ríñfpimi xwifýá numearirfnayf, nwf ikaxf ríñfpí tñni xifñenf mé xwifýá umeararigfayfné nimóniri yariñoi.

12 Ámáyo ḥwí ikaxí uríri xwíyá umearíri epaxo, ayí ná woní Gorixoríni. Ámáyo yeáyí uyimixemearí xwírítá wikixerí epaxo ná woní o enagí aí “Negí wíniyo xwíyá umearípaxeneríni.” yaiwiariḡtayíné gíyínéríani?

“Mixí mixnípaní.” uríŋí náníriini.

13 Ámá Gorixo nání díŋí mímó re rarígtayíné, “Agwírani, wíráinárani, aŋí xwé apimi nání nurane xwiogwí wo e níŋwearanéná kodíreakí nerane nígwí xwé meaníwáríni.” rarígtayíné pírániŋí arfá nípoyí.

14 E rarígtayíné wíráiná seaímeaníapí nání níjíá nimónimáná rírarínoi? Seyíné píniŋí imónínoi. Seyíné sínwírfá xenianwí yaríŋípíniŋí imónínoi. Bi onímiápí níŋweámáná apaxí mé anípá imónarígtayínéríni.

15 Ayínání seyíné e míripa nero Gorixo nání díŋí nímoró rípíni nírirónayí, “Ámínáo xe níŋwearo oépoyíniří sínwí níneanírínayí, nene ámi sítá wí tñí níŋwearane rípi yaníwáríani? Rípi yaníwáríani?” nírirónayí, ayí ananíriini.

16 E nísearíri aí wárixayíné nimónimáná e wí míri mixí kínarínoi. Mixí kínarígtá apíniŋí imóníŋí nípíni sípíriňí.

17 Ayínání rípi osearíminí, “Ámá níjíá re nimóniro aiwí, ‘Nioní naŋí imóníŋípí neríná ayí e epaxíriini.’ Níjíá e nimóniro aiwí apí e mepa yarígtá gíyí gíyí, ayí ríxa fwí nero nání xwíyá meáriňípaxípí yarínoi.” osearíminí.

5

Amípí wí mímúrónigfáyo erirí wiñt nániriní.

1 Agwí amípí wí mímúrónigfáytné erirí bí seaimfpí arfá nípoyí. Íkfníñjt sfpí seaipaxf seaímeanfápí nání nwí earo “Yeyí” ríro époyí.

2 Ayí rípí nání searariñjní. Segí amípí ayá tñjfpí rixa dídímí ináríri rapírapí ení rixa kwínumíñjt nowáríri ení.

3 Sínjá gorí tñní sirípá tñní nígiyí míkipaxf imóniñjagí aí segí awí eámeámí yarigfápí rixa nígiyí kiní. Sfá Goríxo ámá níyoní mí ómómximí enfáyimi nígiyí kiní apí segí sfpí níwiéra warigfápí sínjání piaumimí erí ríá íkfáyo nowárariñjpa segí waráyo ení nowáríri eníáriní. Sfá yoparíyí tñjí ríná amípí ayá tñjfpí tñní nígwí tñní mímeámí yáráriñjagí aí

4 pírániñjt arfá nípoyí. Nígwí ámá omiñjt seailiarigfáyí tñní aiwá seamiiarigfáyí tñní nígwí omiñjt seaiíáná “E seaiapaníwáríni.” nuríro yoí urigfápí —Apí níwiróná bí níwákwiro síní fá xírarigfápíríni. Apí ríaiwá réniñjt rínaríni, “Ámá ayí sfpí e yarigfáríni. Sfpí e yarigfáríni.” Ríaiwá éniñjt rínaríñjpí Goríxo —O aŋínamí dání s̄míñjt wíniñgfwáyá Ámínáoríni. O rixa arfá winí.

5 Amípí wí mímúrónigfáytné, seytne xwíta týo níñwearóná sifí muní níñwearo pí pí segí feapá seainaríñjpí dáníni néra warigfáríni. E neróná ámá odípí iwaní ejí wimí nání oimóníri aiwá xwé níwiro imíxarigfápí sá Goríxo xwírtá seaikixeníyái aŋíni oneaímeaníri sewaníñfytné axípí e imíxínaríñoi.

6 Ámá wé róniñf yarigfáyo seyfné xwiyfá numeáriro píkiariñagfá aiwi wíniyf eni wi pírf searakianiro miyarinof.

“Díñf sifx nínirane Ámináo nání weniñf nerí ñweáwanigini.” urinj nánirini.

7 Ayináni, gí nírixímeáyfne, Ámináo xegí díñf tñi óf neaimowiniginiri xfo weapiñfe nání weniñf nero ñweáfríxiñi. Aiwa omiñf yarigfayf aiwá iwfa nurárimáná yarigfápi nání díñf mópoyf. Iniá eari sogwf aníri nerfná aiwá xwé imixinfa nání weniñf nerí níñwearfná yóf nerí xegípi ófnifnó oneaimoniri weniñf nerí ñweaarigfáriñi.

8 Ámináo weapiñfayi aŋwi ayo ejagí nání seyfné eni axípi xe óf oneaimowiniginiri díñf sifx níniro weniñf nero ñweáfríxiñi.

9 Gí nírixímeáyfne, Ámináo xwiyfá míneameáripa éwiniñginiñi aníñumí ikaxf mírinipa éfríxiñi. Ai eyeyírómf níneairfná xwiyfá neameáripxaf imóniño aŋfni bítmiginiñi riña fwí e rónapinjagi nání rarifná.

10 Gí nírixímeáyfne, wíá rókiamoagfáwa — Awa Ámináo xegí xwiyfá onurimeipoyiniri urowárénapáná níbíro oyá xwiyfápi wuriyigfáwarini. Awa ámá wi xeanifnó wikáráná xwámamf níwiróná egfápi seyfné nání siñwepifg seaigfá ejagí nání axípi e nero xfdípoyf.

11 Ai Gorixomí díñf wíkwíroñwaéne díñf re yaiwiariñwáriñi, “Ámá ejínañf xeanifnó wikárítagfá aí xwámamf wífyá Gorixoyá díñf tñi yayf winipaxf imónigfáyfriñi.” yaiwiariñwáriñi.

Seyíné Jopo yagípi nání rixa arfá níwiyo omí xeanínjí níwiéra úfápimí xwámámí níwiéra nútsáná ejáná Ámináo ámí nañí wiíáná wímeanjípí nání nene níjíá e imóníñagwí nání re yaiwiñwíni, “Ámináo ámá nání wá wianíri ayá urímxíri neríná bí onímiápí ayíkwí mítwí ayá wí wiariñoríni.” yaiwiñwíni.

*“Síñá romí dání riraríñini.” murípa éfríxini.
uríñí nániríni.*

¹² Gí nírixímeáyíné, amípí seararíñápi “Oxídópoyí.” nínimóníri aiwí rípí anípaxfríni. “Nepa níraríni.” oyaiwípoyíñíri nurírná anínamí dánírani, xwfárími dánírani, amípí wíyo dánírani, aga murípa éfríxini. Seyíné nioní e searíá apimi dání ráná Goríxo pírí seamamonigíníri ámáyo “Nemíñi.” nurírná apíni urífríxini. “Nemíméñi.” nurírná apíni urífríxini.

Goríxomí aníñí miní ríxiñí urífríxiniñíri uríñí nániríni.

¹³ Segíyí go go ríniñí nímearíñayí, Goríxo arírá oniníri ríxiñí uríwíñigíni. Segíyí go go díñí níá níwinírnáyí, Goríxomí yayí numerí soní umearíwíñigíni.

¹⁴ Segíyí go go símixí níweríñayí, Jisasoyá siyikí imóníñgíáyíné seaipenweagfáwamí “Eñí.” urífríxini. Awa níbíro Ámináoyá díñí tñí ámí wará oiníñíri ríxiñí wuríyiro raní bí tñí xwfá earo éfríxini.

¹⁵ Awa ríxiñí nurírná díñí níwíkwíroro uraríngípí dání Ámináo ámí nañí

wimixinífárini. Símixo fwí bi ení eñeo ejánáyí, yokwarimí wiinfárini.

16 Ayináni, símixí pñi seawiáriri Goríxo naní seaimixíri enfa nání segí fwí éfápi nání waropári iníro Goríxomí xixe ríxiñí wurímeirí inífríxiñí. Ríxiñí wé róniñí imónigfáyí wuríyarigfápi, ayí ananí ámáyo arírá wipaxí eñagí nání raríñini.

17 Ejíná wfá rókiamoagí Iraijsao eñípi nání dñí mópoyí. O ámá nenéníñí imóniñjo aiwí iniá meapa oeníri Goríxomí ríxiñí ejí tñi uráná oyá dñí tñi xwfá týo iniá meapa nerí xwiogwfí waú wo nípwémáná ejáná ámí emá wé wfumí dáñí wo ení pweñinigini.

18 O iniá ámí oeaníri Goríxomí ríxiñí uráná iniá xwfá týo nearí aiwá yapíñinigini.

“Séríxímeá wí xeñwñí yariñagfá niwiniñóná yumixinípoyí.” uríñí nánirini.

19 Gí nírixímeáyíne, segíyí wo ámá xegí imóniñí wí Goríxoyá xwiyíta nepa imóniñípi pñiñí niwiárími xeñwñí yariñagi niwiniñíri ámí Goríxo tñamíni obiníri nipemeámi níbirínyáyí,

20 re mówinigini, “Xexírímeá fwí aríki yarigfáyí wigí fwí yarigfápi pñiñí niwiáríro ámí Goríxomí dñíti ówíkwítrípoyiníri yumixaríñí go go, o ayí anñimixinaníro yarigfápimi dání eríkiemeánípíri nání erí fwí xwapí éfápi rití inípíri nání erí yariñorini.” mówinigini.

Xwiyá Gorixoyá Siñípírini
The New Testament in the Ankave language of Papua
New Guinea
Nupela Testamen long tokples Angave long Niugini
copyright © 1990 Wycliffe Bible Translators, Inc.

Language: Angave (Ankave)

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-10-03

PDF generated using Haiola and XeLaTeX on 18 Mar 2025 from source files
dated 31 Aug 2023

7a156761-2cde-5bbc-8428-650a73434051